

汾陽縣志

汾陽縣志卷之三

賦稅

民地萬二百三十五頃五十畝七分有奇徵租課銀五萬六千六十兩九錢四分八釐有奇

府舊志洪武二十四年地六千六百四十六頃四

一畝二分一釐隆慶五年地六千六百一十三頃

十一畝二分五釐萬歷十一年地萬七十一頃七十

二畝二分八釐此因奉例丈地遂多出三千四百五

十八頃四十一畝三釐舊制村坳民舍原無稅糧委

官盡行丈出兼及荒山陡阪五穀不生之地是以虛

(3489)

有此數夏稅萬六千一百六十石八斗五升七合四
 勺二抄六撮六圭七粒八粟秋糧三萬二千四百五
 十六石二斗七升三勺七撮七圭萬歷中汾陽縣教諭石炳云萬歷九年
 年執政者清其地流委官迎合邀功不惟額外虛浮
 不能均減且將確沙灘增開實數報田多丈三千
 四百五十八頃有奇該糧千三百八十餘石當事者
 為下所蒙遂令抵補澤潞沁遼沁屬邑借蠶
 生奸復欲為彼包賠屈銀大參陳公曾建
 議方阻之而抵補代納遺害今尚如故也縣舊志成
 於順治十三年者開載原額共徵夏秋糧四萬八千
 六百一十七石一斗二升七合七勺三抄四撮三圭
 七粒八粟俱係折色坐價不等併絲絹馬草共派銀
 四萬二千五百二十九兩三錢一分二釐三毫二絲

六纖六沙八塵地每畝九釐銀九千六十四兩五錢四
 分九釐八毫驛站銀三千七百六十七兩一錢六釐
 二毫內上等官水地每畝徵糧一斗共十項五十一
 次等官民地每畝徵糧七升五合共七項二十八畝
 絲中等平地每畝徵糧五升八合共六千四百七十
 一毫中次等坡沙鹹地每畝徵糧三升五勺共三千
 五忽十三項八十五畝四分額外新增豐贍庫夏秋糧一
 九釐五毫八絲五忽額
 石二斗一升九合八勺四抄俱係折色併馬草共徵
 銀一兩三分九釐三毫三忽六微八纖新絲絹銀十
 六兩二錢五分

又順治十二年清出民地七頃八十三畝九分八釐六毫徵糧三十一石一斗五升四合六勺八抄八撮共折銀三十七兩二錢八分三釐三毫一絲三忽七微二纖七沙五塵康熙十六年清出併續查出隱漏額外民田地百二十頃二十二畝六分六釐七毫三絲微糧三百九十八石一斗一升八合七抄七撮六圭五粒各徵不等共折色銀四百八十七兩三錢一分八釐一毫五絲七忽五微一纖六沙三渺七埃六漠額外河灘退地十頃七十四畝六分九釐六毫每畝徵銀七分三釐七毫五絲九微二沙五塵八渺四

漠共徵銀七十九兩二錢五分九釐八毫雍正六年聖額外民田地二頃六十七畝六分八釐三毫徵糧十二石一斗九升四勺一抄四撮共折色銀十三兩九錢六分八釐七毫九忽七微二纖五沙七塵六渺四埃二漠

更名田共地二十二頃二十九畝四分徵糧五十四

石五升九勺共折銀六十四兩八錢六分一釐八絲

內上等地七十畝每畝徵糧五升八合中等地二頃

二十五畝每畝徵糧三升五勺下等地八十畝每

畝徵糧八合五勺此係慶成府地又上等地一項三十

份場縣志 卷三 賦稅 此係承和府地

歸併汾州衛屯田二十九頃九畝八分徵租課銀七斗六兩三錢九分三釐有奇。

原欵每畝徵糧五升二合五勺七撮七圭八粒一粟共徵糧百五十二石七斗八升七合一勺四抄二撮七粒每石折銀五錢

以上地糧

康熙五十二年欵奉

恩詔以五十年丁冊定爲常

額續生人丁永不加賦歲徵均徭銀萬二千二十一兩九錢九分二釐有奇

舊欵上上則七千三百六十六丁每丁徵銀四錢八

分上中則二千五百九丁每丁徵銀四錢二分上下則千九百五十四丁每丁徵銀三錢五分中上則二千七百四十五丁每丁徵銀二錢七分中中則三千八百三十一丁每丁徵銀二錢中下則三千二百三十二丁每丁徵銀一錢五分上下則三千八百一十三丁每丁徵銀九分下中則三千三十三丁每丁徵銀三分六分下下則萬七千九百四十丁每丁徵銀三分九釐三毫共徵均徭併辦買本色顏料加增銀八千六百兩八錢二分二釐又地差銀三千一百六十八兩二錢五釐八毫三絲四忽七微一纖二沙五塵順

治十二年清出土著新編人八百八十五丁內上上則三十一丁上中則二十一丁上下則四十一丁中上則五十八丁中中則七十一丁中下則百三十四丁下上則百三十三丁下中則百六十八丁下下則二百二十八丁共徵均徭銀百一十九兩二分四毫十四年清出紳矜優免供丁八百六十二丁俱下下則共徵銀三千三兩八錢七分六釐六毫又地差銀九十五兩二錢五分二釐五毫四絲八忽九微八沙十五年清出吏承優免上上則三丁江每丁徵銀四錢五釐上中則五丁每丁徵銀三錢六分中上則四丁

每丁徵銀二錢七分下上則二丁每丁徵銀一錢三分五釐下下則十丁每丁徵銀四分五釐共徵均徭銀四兩八錢一分五釐通共實行差人四萬八千四百一十三丁徵均徭併辦買本色顏料加增銀八千七百五十八兩五錢三分四釐於乾隆十年奉文攤入地糧徵收地差銀三千二百六十三兩四錢五分八釐三毫八絲三忽六微二纖五塵舊係按糧派徵歸併汾州衛屯丁徵均徭銀二百九兩六分四釐有奇舊款上上則三丁每丁徵銀一兩二錢四分五釐八毫一絲六忽七微二纖上中則七丁每丁徵銀一兩

一錢七釐三毫九絲二忽六微四纖上下則十四丁
每丁徵銀九錢六分八釐九毫六絲八忽五微六纖
中上則三十五丁每丁徵銀八錢三分五毫四絲四
忽四微八纖中中則四十三丁每丁徵銀六錢九分
一釐一毫二絲四微中下則四十二丁每丁徵銀五
錢五分三釐六毫九絲六忽三微二纖下上則百五
丁每丁徵銀四錢一分五釐三毫二絲一忽二微九
纖五沙下中則百四十二丁每丁徵銀二錢七分六
釐八毫四絲八忽一微六纖下下則百八丁每丁徵
銀一錢三分八釐四毫二絲四忽八纖共徵均徭銀
二百五兩一分一釐二毫一絲三忽二微五纖五沙

順治十二年清出土著新編人二十九丁俱下下則
每丁徵銀一錢三分九釐七毫六絲七忽八微二纖
八塵九沙六埃五漠共銀四兩五分三釐二毫六絲
六忽八微六沙

以上丁徭

額外匠價銀二百五十二兩四錢五分

於乾隆三年奉文攤入地糧徵收

酒課銀三百兩

商稅銀千一百七十八兩四錢九分二釐

以上額外課稅

通計地糧丁徭及額外課稅共徵銀七萬九千九百三十三錢四分一釐

遇閏年加徵均徭銀十五兩三錢三分三釐

起運戶部項下解布政司銀六萬三千五百五十兩

三錢七分八釐

遇閏年戶部項下解布政司銀六萬三千五百五十三兩七錢一分一釐

內除撥動支驛馬閏月工料銀百一十四兩實解布政司銀六萬三千四百三十九兩七錢一分一釐

解布政司原額本色農桑絲絹銀六兩一錢一分八釐

釐戶部料價銀四十三兩六錢六分五釐解布政司

黃蠟價值併腳價共銀六錢六分八釐解府錫斤價

值併腳價共銀百一十八兩四錢七分二釐

存留汾陽驛驛站銀三千七百六十七兩一錢六釐

遇閏年於起運內動撥閏月工料銀百一十四兩內解布政司驛站抵解地

丁銀二千一百六十七兩八錢四分六釐存支銀千

五百五十九兩二錢六分

內裁減及撥協各驛工料銀俱解冀寧道別詳驛遞

存留官俸等銀二千六百一十九兩六錢四分四釐

內本府知府俸銀百五兩役食銀三百六十六兩

二名馬快手十名步快手十六名皂隸十六名轎夫四名織扇夫三名斗級六名庫子四名俱每名工食

銀六兩通判俸銀六十兩役食銀百七十四兩

十二名轎夫四名織扇夫三名快手八名經歷司俸銀四十兩役食銀三

分易系志

十六兩馬夫一名。皂隸四名。子府儒學教授俸銀四十五兩。

訓導俸銀四十兩。役食銀四十九兩三錢三分三釐。

齊夫三名。門斗三名。俱每名工食銀六兩。膳夫二名。每名工食銀六兩六錢六分六釐五毫。廩生

四十名。共餼糧銀百二十八兩。每名餼糧銀三兩二錢。知縣俸

銀四十五兩。役食銀六百二十四兩。門子二名。皂隸

八名。禁卒八名。轎夫四名。繖扇夫三名。庫子四名。典

斗級四名。更夫五名。民壯三十五名。捕役八名。史俸銀三十一兩五錢二分。役食銀三十六兩。門子

皂隸四名。儒學教諭俸銀四十兩。訓導俸銀四十兩。

馬夫一名。役食銀四十九兩三錢三分三釐。齊夫三名。門斗

生二十名。共餼糧銀六十四兩。冀村巡檢司俸銀三

十一兩五錢二分。役食銀七十二兩。皂隸二名。時憲

書紙價銀十兩。府學文廟啟聖名宦鄉賢等祠祭祀

銀五十一兩一錢八分。風雲雷雨山川社稷八蜡等

壇祭祀銀二十四兩。郡厲壇祭祀銀十二兩。縣學文

廟啟聖名宦鄉賢等祠祭祀銀五十一兩一錢八分。

考禮壇祭品銀三兩。關帝三代祭品銀二十兩八錢

三分。黃公祠祭祀銀八兩。迎春神牛酒席銀一兩。朔

望行香講書等銀八兩四錢。鄉飲酒禮銀十五兩。孤

老冬衣布花銀十四兩一錢六分。舖司兵三十八名。

工食銀共二百二十八兩。本府歲貢花紅酒席銀六

一、二年一辦者，本縣起送赴考貢生花紅酒席等銀
 一兩，每年三年一辦者，舉人坊牌銀百三十五兩
 一兩，每年四、五年一辦者，舉人坊牌銀百三十五兩
 一兩，每年新中舉人以
 一名為率，花紅酒席旗匾賀儀餞送會試等銀七兩
 五錢，每年二錢，餞送舊舉人以六名為率，盤纏酒席銀
 九十九兩，每年十三兩，新中進士以一名為率，旗匾賀儀
 銀十兩，每年三分三釐

以上起運存留

襍稅彙解戶部者，徵房田稅契銀六百三十二兩三錢
 八分三釐

盈餘銀約二百餘兩

畜稅銀四百六十兩四錢九分一釐

盈餘銀約二百餘兩

煙稅銀百三十五兩九錢八分

盈餘銀約十餘兩

牙稅銀三百二十五兩四錢

據乾隆三十五年奏銷之數，上等牙六十三名，每名

徵銀一兩二錢，中等牙二百九十八名，每名徵銀八

錢，下等牙十九名，每名徵銀六錢

當稅銀五百三十兩

據乾隆三十五年奏銷之數共當百六座每座徵銀五兩

以上襍稅

鹽稅銀九百八十八兩七錢一分二釐有奇縣境舊食鄰近土鹽額行河東鹽二千四百六十五引而不食其鹽惟按引輸稅謂之鹽稅

明萬歷間鹽課汾陽縣額發鹽票九千張每張稅銀六分共銀五百四十兩考引之名始於宋其用引之法卽池驗券按數而出元時每鹽一引重四百斤明初如之後分一引爲二引國朝順治二年立河東

鹽法時巡鹽御史奏稱陝西之平涼慶陽乃食花馬小池鹽山西太原汾州乃食本地煎鹽舊皆河東所轄以其與河東相近也十三年因議均引目下巡鹽御史酌覆御史朱紱覆稱令照賦役全書丁口數目令各省布政司將領引額丁通盤打算均勻派銷未經均定而御史焦毓瑞以河南俱食解池商鹽易於均派其山西太原汾州遼沁例食本地土鹽食解鹽者平陽潞安二府澤州一州陝西鳳翔例食花馬池鹽食解鹽者西安一府興安一州凡行解池商鹽州縣止有督銷之責而納課之責在商若行土鹽并花

馬池鹽之處則銷引納課之責成併在州縣部議遵
定派引刊冊以永遵守雍正八年知府張學林因汾
陽縣商人巡丁大爲民害請於上官以民既輸鹽稅
又收商人致巡丁橫行於民不便得請廢商而同知
馮雲燦惟知府事有按糧攤課之請九年知府崔應
階知縣林中栢遂議將鹽課紙價銀攤入地丁項內
每正糧一兩攤課一分五釐乾隆二十八年奉布政司檄稱代州
交城壽陽三屬鹽課並無商販俱征之民已經攤入
地丁統征分解民甚稱便惟文水太谷汾陽平遙介
休孝義石樓永寧寧鄉孟縣保德河曲等十二州縣

雖經攤入地丁並未歸併統徵分解係令里老催收
或派甲頭彙納以致暗中加派額外浮徵貧窮小民

不免苦累應俱倣照代州交城壽陽之例歸於地丁

項下統爲徵收分欵起解前此汾陽縣地丁內攤徵

鹽課其平餘銀每鹽課一兩加平餘銀一分五釐尙未歸併至是年

知縣顧學潮請正課與平餘雖有分欵寔止一項應

統算攤徵於地丁項每一兩攤徵鹽課紙價及平餘共一分五釐三毫六絲三忽四微八纖

乃以二十九年爲始由此豪右因緣爲奸侵刻小民
之弊永絕

以上鹽稅

汾陽縣志 卷三 學校 坊表附

汾陽縣儒學在師垣坊卽舊汾州儒學金同知節度使
康王濬中修後燬於兵元初漸次修舉明洪武間知州
茹志道正統間知州李善相繼重修正德十六年知州
郁浩復增鑿內外泮池嘉靖九年詔建敬一亭植御製
敬一箴宋儒視聽言動心五箴萬歷十二年知州白夏
重加修拓二十三年設汾州府改州學爲府學知府崔
士榮趙喬年文養浩繼修而新設倚郭汾陽縣則別建
縣學於城東 國朝順治間改建府學於同節坊康熙
十五年知縣崔秉政議縣學亦宜置城內於是以舊府

學改爲縣學大加繕治二十五年

御書萬世師表

頒發州縣懸額廟中二十八年天下郡縣學仍舞八佾

三十三年

御製

至聖先師孔子贊四記贊頒行

天下四十一年

御製訓飭士子文頒發胥鐫石明

倫堂五十一年

詔升朱子於十哲五十五年以宋范

仲淹從祀雍正三年

御書生民未有頒發州縣懸

額廟中釐正祀典復祀蓬瑗林放秦冉顏何鄭康成增

祀先賢牧皮公郇子公孫丑樂正子萬章先儒諸葛亮

尹焞黃幹陳淳魏了翁何基王柏趙復金履祥許謙陳

澔羅欽順陸隴其是年頒定禮儀祭用春秋二仲月上

丁日前期陳設正位禮神制帛一色白白磁爵三半一
羊一豕一登一實以太羹釧二實以和羹簋二實以黍
稷益二實以稻粱籩十實以形鹽藁魚鹿脯棗栗榛菱
芡黑餅白餅豆十實以韭菹青菹芹菹芋菹醯醢鹿醢
兔醢魚醢脾胛豚胎酒罇一四配位每位禮神制帛一
白磁爵三羊一豕一釧一簋二籩二籩八無黑白餅豆
八無脾胛豚胎酒罇一十哲位又朱子一位禮神制帛
各一白磁爵各一豕二釧各一簋各一有黍無稷益各
一有稻無粱籩各四形鹽棗栗藁魚豆各四韭菹醯醢
菁菹鹿脯豕首二東西廡禮神制帛二銅爵各一豕六

每案簋一簋一籩四豆四樂器曰麾曰鐘曰磬曰鼓曰
搏拊曰祝曰敔曰琴曰瑟曰排簫曰笙曰簫曰笛曰埙
舞器曰節曰羽曰籥曰干曰戚祭獻官散齋二日致齋
一日前一日演樂省牲祭日三更鼓祭事皆備鼓再嚴
樂舞生執事者各立丹墀左右鼓三嚴引贊引各獻官
廟門外立通贊唱樂舞生就位樂生各序立於廟庭奏
樂之所兩司節者分引舞生至丹墀東西兩階各序立
於舞佾之位兩司節者退至舞生兩班之首持節相向
立唱執事者司事陪祭官就位分獻官就位獻官就位
引贊引獻官至拜位引贊退位唱瘞毛血執事者捧毛

血正廟由中門出四配十哲兩廡由左右門出瘞於坎
遂啓俎蓋唱迎神樂奏咸和之曲其辭曰大哉孔聖道
德尊崇維持王化斯民是宗典祀有常精純並隆神其
來格於昭聖容麾生揚麾樂生擊祝樂作司節舉節舞
生執籥秉翟而舞叩首再叩首三叩首興麾生偃麾樂
盡燦故司節伏節舞生罷舞唱奠帛行初獻禮捧帛者
捧帛執節者執節引贊引獻官詣盥洗所勺水淨巾引
詣酒尊所司尊者舉冪酌酒執爵者捧帛者在獻官前
行正廟帛爵由中門入四配帛爵由左門入各于神案
側立引贊引獻官亦由左門入詣至聖先師孔子神

位前樂奏寧和之曲其辭曰自生民來誰底其盛惟師
神明度越前聖粢帛具成禮容斯稱黍稷非馨惟神之
聽麾生揚麾樂生擊祝樂作司節舉節舞生執籥秉翟
而舞獻官跪捧帛者西向跪進帛獻官獻帛授接帛者
奠于神位前案上執爵者西向跪進爵獻官獻爵授接
爵者奠于神位前叩首興詣讀祝位

祝位在香案前引贊引獻

官至祝位麾生偃麾樂暫止讀祝者跪取祝文退立于
獻官左獻官并各官及讀祝者皆跪讀祝文曰維某年
歲次某某月某朔越幾日某官某等敢昭告于至聖
先師孔子曰維師德配天地道冠古今刪述六經垂

憲萬世惟茲仲春

秋則書秋

謹以牲帛醴齊粢盛庶品祇奉

舊章式陳明薦以

復聖顏子

宗聖曾子

述聖子

思子

亞聖孟子配尚饗叩首興麾生舉麾樂生接奏

未終之樂引贊引獻官詣

復聖顏子神位前跪捧帛

者跪進帛于獻官右獻官獻帛授接帛者奠于神位前

案上執爵者跪進爵於獻官右獻官獻爵授接爵者奠

于神位前叩首興次詣

宗聖曾子

述聖子思子

亞聖孟子神位前儀同復聖復位引贊引獻官至原拜

位立通贊唱行分獻禮各引贊引分獻官詣盥洗所勺

水淨巾引詣酒尊所司尊者舉罍酌酒各引贊引分獻

官至十哲兩廡神位前跪捧帛者跪進帛分獻官獻帛

授接帛者奠于神位前捧爵者跪進爵分獻官獻爵授

接爵者奠于總案上執事者于各神前自奠一爵叩首

興復位麾生偃麾樂盡操故司節伏節舞生罷舞通贊

唱行亞獻禮引贊引獻官詣酒尊所司尊者舉罍酌酒

詣至聖先師孔子神位前樂奏安和之曲其辭曰大

哉聖師實天生德作樂以崇時祀無教清酤惟馨嘉牲

孔碩薦羞神明庶幾昭格麾生揚麾樂生擊祝樂作司

節舉節舞生執籥秉翟而舞儀如初獻四配十哲兩廡

亞終二儀胥同初獻復位麾生偃麾樂盡操故司節伏

節舞生罷舞通贊唱行終獻禮儀同初獻樂奏景和之曲其辭曰百王宗師生民物軌瞻之洋洋神其寧止酌彼金罍惟清且旨登獻惟三於嘻成禮樂作佾舞獻爵諸儀畢復位麾生偃麾樂盡櫟敵司節伏節舞生罷舞通贊唱飲福受胙進福酒者捧爵進福胙者取正壇羊左肩胙置于盤引贊引獻官詣飲復位跪飲福位卽讀祝位捧福酒者跪進酒于獻官右獻官受飲以爵授接爵者捧福胙者跪進胙于獻官右獻官受胙以胙授接胙者由中門捧出叩首興復位叩首再叩首三叩首各官同唱徹饌樂奏宣和之曲其辭曰犧象在前豆籩在列以享

以薦旣芬旣潔禮成樂備人和神悅祭則受福率遵無越樂生奏如前式執事者跪舉籩豆一器一舉而徹兩班司節分引舞生于丹墀東西相向序立不舞麾生偃麾樂盡櫟敵唱辭神樂奏祥和之曲其辭曰有嚴學宮四方來崇恪恭祀事威儀黼黻歆茲惟馨神馭還復明禋斯畢咸膺百福樂生奏如前式叩首再叩首三叩首各官同麾生偃麾樂暫止讀祝者捧祝奠帛者捧帛各詣瘞所正廟由中門出四配十哲兩廡帛由左右門出唱望瘞麾生揚麾接奏前樂祥和之曲引贊引獻官分獻官陪祭官至瘞所唱焚文帛九段焚訖麾生偃麾樂止復

汾陽縣志 卷三
位通贊唱禮畢

崇聖祠在尊經閣後明嘉靖十年詔建啟聖祠 國朝

雍正三年 欽改爲崇聖祠追封孔子五代王爵復

以張載父迪從祀是年頒定禮儀前期陳設正位五案

每位禮神制帛一白磁爵三羊一豕一釧一簋二盞二

籩八豆八酒罇一配位每位一案禮神制帛二豕首一

每位銅爵三盞一盞一籩四豆四豕肉一兩廡禮神制

帛二每位銅爵三盞一盞一籩四豆四豕肉一以春秋

二仲月上丁日先致祭無樂舞餘儀同

名宦祠在戟門外之左

鄉賢祠在戟門外之右

萬歷十二年知州白夏建三賢祠於啟聖祠左祀子

夏段干木田子方而舊志稱知縣尹覺民導馬跑泉

水至馮家莊架以木槽由西關入城至鼓樓南引入

府學泮池所云府學卽今縣學也

府舊志汾陽縣學田無糧地一項每年額徵秋租穀

蕓三十五石有糧地一項每年秋租穀蕓三十五石

於本年年租內照依時值變納糧差又有糧地一畷九

分八釐四毫每年除納糧外額徵租穀四斗又守道

徐學道周批發地五十畷係郭裕絕產每歲除納糧

外。交租穀五石。守道徐買置地十七畷。五分。坐落西關南一里下舍村。每歲除納糧外。交納租課六石三斗二升五合。地十五畷。坐落北關北三里堡城司。每歲除納糧外。交納租課五石。以上汾陽縣志云。地四段。坐落小相西里。每歲除納糧外。交租七石五斗。又云。原設學田。其地二頃六十一畷。有奇。糧十五石一斗九升五合。有奇。又房舖三所。每歲賃銀三十餘兩。縣舊志載。宋元豐三年。賜太師文彥博詩勅并序。其碑石在學中。

教諭宅。在尊經閣東。

訓導宅。在尊經閣西。

西河書院。在府治東南。舊名棠蔭書院。康熙二十四年。知府張抱奇建。乾隆十二年。知府魏元樞於汾陽縣願捐素積案內。撥銀三千兩。每歲收息銀二百六十兩。又自捐養廉銀五十兩。及八屬各捐多寡不一。歲成六百兩。爲筵席置弟子之費。十八年。知府顧鴻重修。復撥銀三千五百兩。合前共六千五百兩。歲歲收息銀七百八十兩。以充束修膏火經費。免州縣捐助。

白公書院。府舊志云。在啟聖祠西。其廢已久。

仰高書院。府舊志云。在縣治西。嘉靖元年。督學周宣命

知州張鉞卽狄公祠隙地建叅政李元題名仰高宜仰
子夏之文狄公之武也五年知州郭鏗增拓其廢已久
文昌書院府舊志於汾陽縣云在學前府通判王重光
署縣議建今廢

卜山書院縣舊志云在城北二十里大相村名子夏祠
勅額卜山書院後以遠在郊野因學宮旣成卽於西偏
創立書院仍以卜山名之今亦廢

義學舊在府署西知府劉克孔建順治十六年分守冀
南道申偉抱捐俸置於府學西康熙五十五年知縣平
士慎重整五十八年知縣周超捐俸延師聚徒講肄其

中

舊志明藩封各設學選宗室最賢者爲宗正慶成設
於城西北香火寺永和設於城西南淨土寺慶成立
詩社曰金蘭永和曰青蓮

舊志有坊牌一目今附於此攀桂坊明成化十六年

爲舉人李經立在人美廟奪錦坊成化十九年爲舉人劉

訊立在三賢坊進士坊宏治三年爲進士賈璇立在義和廟後改獨

步丹霄坊宏治八年爲舉人賈珍立在義和廟後改賈

賈賈天上探花坊月中折桂坊俱宏治九年爲進士

嚴泰立在三賢坊奮身白屋坊正德五年爲舉人武海立

狀元坊正德六年知州李棠爲宋狀元王嗣宗元狀元張益立在師垣坊嘉靖三十八年因榜眼孔天胤改爲狀元榜眼坊青雲接武

坊台榜傳芳坊父子進士坊俱正德九年爲進士賈

繼之立在義和廟繼之即職之子嘉忠誠坊嘉靖七年爲安簡王

知煥立在承和府前世英坊嘉靖七年爲舉人田宏田耕

田適立褒賢孝坊嘉靖八年爲端順王奇慎立在承思坊

榜眼坊嘉靖十一年爲孔天胤立在同節坊奎煥坊嘉靖

十三年爲舉人王緯宋廷璠賴君恩劉尚義李翰立

在師垣坊進士坊嘉靖十四年爲進士王儒立在三賢坊恩榮

坊嘉靖十四年爲進士劉尚義立在城東門內兄弟聯輝

坊嘉靖十六年爲孔天胤孔天民立在師垣坊進士坊嘉

靖二十三年爲進士趙世錄立在三賢坊天寵貽封坊嘉

靖二十三年爲贈主事趙廷璧立在三賢坊四雋坊嘉靖

二十五年爲舉人王緝馮叔奇田大壯賈公儼立在師垣坊

坊光前裕後坊嘉靖二十九年爲進士王文翰立在三賢坊

坊勵賢孝坊嘉靖三十年爲莊定王新鍾立在忠誠坊前

承恩坊嘉靖三十一年爲安穆王知嫌立在慶成府前方

伯文宗坊嘉靖三十八年爲河南左布政使前陝西

浙江提學使孔天胤立在同節坊外臺風憲坊嘉靖四十

年爲僉事王文翰立在同節坊聯璧坊嘉靖四十二年爲

舉人郭中張更化立

在師垣坊

大司馬坊隆慶元年爲總

督三邊軍務霍冀立

在東關迎薰門外冀孝義縣人

褒端謹賢孝坊

隆慶三年爲鎮國中尉表術立

在上義坊侍御坊萬歷三

年爲監察御史張更化立

在東郭東廂

龍章褒寵坊萬歷

三年爲封監察御史張學立

在東郭東廂

兄弟大夫坊萬

歷四年爲奉直大夫王緯奉政大夫王緝立

在安坊

子少卿坊萬歷四年爲贈光祿少卿王鶴光祿少卿

王緝立

在安坊

都御史坊萬歷七年爲副都御史王緝

立

在三賢坊

三世大臣坊萬歷十年爲贈副都御史王垣

王鶴副都御史王緝立

在三賢坊

褒賢孝坊萬歷十三年

爲慶成王慎鍾立

在同節坊

烈婦坊萬歷三十五年爲王

蜀妻侯氏立

在南郭

父子諫議坊崇正七年爲禮科給

事中張第元立

在汾州衙前

天官坊崇正九年爲吏部考

功清吏司郎中靳光先立

在三賢坊

三賢古里坊國朝

順治間立

在東郭西廂

貞懿坊康熙十六年爲節婦朱氏

立

在北關

勅褒孝行坊康熙三十一年爲孝子魏之憲

立

在羅城堡外

汾陽縣志卷之四

名宦

刁清穆雙字子山渤海饒安人少好學兼涉文史雅爲
中山王英所知賞拜西河太守正光初中山王熙之誅
也熙弟畧投命於雙雙護之周年時購畧甚切畧乃謂
雙曰我兄弟屠滅已盡唯我一身漏刃相託卿雖厚恩
久見容蔽但事留變生終恐難保脫萬一發覺我死分
也無事相累卿若送吾出境便是再生之惠如其不爾
輒欲自裁雙曰人生會有一死死所難遇耳今遭知己
視死如歸願不以爲慮畧後苦求南轉雙乃遣從子昌

送達江左靈太后返政知畧因雙獲免徵拜光祿大夫
莊帝初以功封曲城鄉男興和三年卒謚曰清穆
裴良字元賓河東聞喜人時汾州吐京薛羽等作逆以
良兼尙書左丞爲西北道行臺值別將李德龍爲羽所
破良入汾州與刺史汝陰王景和及德龍率兵數千憑
城自守景和薨以良爲汾州刺史加輔國將軍行臺如
故先是官粟貸民未及收聚仍值寇亂至是城民大饑
人相食賊知倉庫空虛攻圍日甚死者十三四良以饑
窘因與城人奔赴西河汾州之治西河自良始也

右北魏二人舊志列周虞子羔吳起漢杜延年郭伋

魏房豹晉王雅刁雙張軌後魏王慶西魏韓襄宇文
測考縣境於兩漢皆不屬西河郡漢以前之西河於
此地尤絕不相涉辨已詳沿革房豹北齊世祖時爲
西河太守誤繫之魏而列於晉前謬也王雅北周明
帝初爲汾州刺史誤繫之晉周書列傳云王雅字度
容闡熙新固人世宗初除汾州刺史勵精爲治人庶
悅而附之自遠至者七百餘家舊志訛作新門人又
云後拜少傅孝武將擢王恭殷仲堪雅曰仲堪謹於
細行幹畧不長帝不聽此乃晉之王雅字茂達者東
海剡人孝武深加禮遇時人被以佞倖之目山西通

志作太寧初為汾州刺史則又誤以北周明帝為晉明帝晉王雅以隆安四年卒時年六十七而明帝太寧初下距隆安四年凡七十八年是大寧初尙未有王雅其人且汾州之名起於北魏晉無是名又晉太寧時此地屬石勒孝武世此地屬苻堅尋屬慕容垂晉無此地也北周之汾州在今霍州平齊後廢齊之汾州其郡縣屬介州亦絕不涉此地舊志於張軌僅西河著德四字別無所詳考晉書張軌傳永寧初出為涼州刺史後張越陰圖代軌遣兄鎮移檄廢軌軌以子實為中督護率兵討鎮遣鎮外甥太府主簿令

狐亞前喻鎮曰舅何不審安危明成敗主公西河著

德兵馬如雲然則西河著德四字蓋掇取令狐亞稱

張軌者其所謂西河乃晉涼州之域晉涼州鎮金城西平武威張掖

西河凡八郡黃河上游去此絕遠王慶北周大象

元年為汾州刺史誤繫之後魏韓褒北周保定三年

為汾州刺史誤繫之西魏宇文測大統中行汾州事

乃西魏所置之汾州在今陝西宜川縣皆茫然不察

今訂正

房豹字仲幹東清河繹幕人體貌開岸美音儀河清中除謁者僕射拜西河太守地接周境俗雜稽部豹政貴

清靜甚著聲績遷

時陵太守又遷樂陵太守風教修理
稱爲美政齊滅遂

本鄉邱園自養頻被徵命固辭以

疾終於家

右北齊一人舊志於名宦祠列之三國魏山西通志

於職官亦列之

三國魏於名宦列之北魏胥誤今改

正

蕭大園字仁顯梁簡文帝之子也幼而聰敏神情俊悟
年四歲能誦論語孝經及三都賦七歲居母喪便有成
人之性梁大寶元年封樂梁郡王屬侯景肆虐簡文見
弑大園潛逃獲免明年景平大園歸建康改封晉熙郡

王大園以世多故恐讒愬生焉恒以讀詩禮書易爲事
元帝嘗問五經要事數十條大園辭約指明應答無滯
帝甚歎美之隋開皇初拜內史侍郎出爲西河郡守大
園性好學務於著述撰梁舊事三十卷寓記三卷士喪
儀注五卷要決兩卷并文集二十卷

右隋一人

薛大鼎字重臣蒲州汾陰人父粹爲隋介州長史義旗
初大鼎於龍門謁高祖以功遷涪州刺史累徙滄州是
時鄭德本在瀛州賈敦頤爲冀州皆有治名故河北稱
鎗脚刺史永徽中遷銀青光祿大夫行荊州大都督長

史卒謚曰恭。

楊越宏農仙掌人。太宗初定天下，網羅遺逸。越曰：天下有道，可以出而見矣。乃以角巾褐衣應命。太宗曰：石州邊方未沾王化，汝往輯禦，以息邊患。授石州方山令。楊隆禮，煬帝曾孫。景雲中，汾州刺史。性清嚴，能檢察人吏，欺隱殆絕。開元中，封宏農郡公，授戶部尚書卒。

崔隱甫，貝州武城人。隋散騎侍郎儵之曾孫也。解褐左玉鈐衛兵曹參軍，遷殿中侍御史，內供奉。浮圖惠範倚太平公主，勝人子。女隱甫，劾狀反，爲所擠，貶邛州司馬。元宗立，擢汾州長史，兼河東道度支營田使，遷洛陽令。

梨園弟子胡鵠，善笛，有寵，嘗負罪匿禁中。帝以他事召隱甫，從容指曰：就卿丐此人。對曰：陛下輕臣而重樂工，請解官再拜出。帝遽謝與胡鵠，隱甫殺之。有詔貫死，不及矣。賜隱甫百緡，後拜東都留守，封清河郡公。卒，贈益州大都督，謚曰忠。隱甫所至，潔介自守，明吏治，以強正稱。始帝欲相隱甫，謂曰：牛仙客可與語，卿常見否？對曰：未也。帝曰：可見之。隱甫終不詣。他日又問對如初。帝乃不用。

徐堅，字元固，湖州長城人。世客馮翊。梁慈源侯整五世孫也。堅幼有敏性，沛王聞其名，召見，授紙爲賦，異之。十

四而孤及壯寬厚長者舉秀才及第爲汾州參軍事後累遷給事中封慈源縣子肅宗初進東海郡公元宗改麗正書院爲集賢院以堅充學士副張說知院事帝大酺集賢幔舍在百司上說令揭大榜以侈其寵堅見違命撤之曰君子烏取多尙人堅於典故多所諳識凡七當誤次高選卒贈太子少保謚曰文

杜希望京兆萬年人重然諾所交游皆一時俊傑屬吐蕃攻勃律勃律乞歸右相李林甫方領隴西節度故拜希望鄯州都督知留後馳傳度隴破烏莽衆斬千餘級進拔新城振旅而還擢鴻臚卿於是置鎮西軍希望引

師部分塞下虜悉衆爭壇泉希望大小戰數十俘其大酋至莫門焚積蓄卒城而還授二子官宦者牛仙童行遷或勸希望結其驩答曰以貨滿身吾不忍仙童還奏希望不職下遷恒州刺史徙西河太守而仙童受諸將金事泄抵死畀金者皆得罪希望愛重文學門下所引如崔顥等皆名重當時

陸瑛字仲承蘇州人舉明經補長安尉以清幹稱開元初改新鄉令人爲立祠後除洛陽令時車駕在洛摧勸姦家人不敢犯爲中書令蕭嵩所器重嵩罷他宰相俾陰廉嵩短瑛曰與人交過且不可言况無有邪以是忤

貴近出爲太原少尹累徙西河太守封平恩縣男屬邑多虎前守設檻穿罅至徹之而虎不爲暴

薛從字順之絳州蒲門人仁貴之四世孫以蔭授左清道率府兵曹參軍累遷汾州刺史隄文谷瀘河二水引溉公私田汾人利之徙濮州儲粟二萬斛以備凶災擢將作監終左領軍衛上將軍贈工部尚書

崔昭襄字有裕貝州武城人開元中以鈐謀對策甲科累遷爲劍南左司馬知留後元宗西出次扶風遷御史中丞劍南節度副大使圓初聞難治城浚隍列館宇儲什具帝次河池圓疏具陳蜀土腴穀羨儲供易辦帝

省書泣下曰世亂識忠臣卽日拜中書侍郎同中書門下平章事仍兼劍南節度使至德二載遷中書令封趙國公後削階封李光弼表爲懷州刺史改汾州以治行稱徙淮南節度使卒謚昭襄

李貞簡勉字元卿鄭惠王元懿曾孫也勉少喜學內沈雅外清整始調開封尉汴州水陸一都會俗厖錯號難治勉摧姦決隱爲有名從肅宗於靈武擢監察御史遷司膳員外郎關東獻俘百將卽死有歎者勉過問曰破脅守官非敢反勉入見帝曰寇亂之汙半天下其欲澡心自歸無繇如盡殺之是驅以助賊也帝馳騎完宥後

汾陽縣志 卷四
歸者日至，天子素重其正，擢太常少卿，欲遂柄用，而李輔國諷使降禮於已，勉不爲之，屈乃出爲汾州刺史。興元初，拜檢校司徒平章事，卒，贈太傅，謚曰貞簡。勉少貧，客梁宋，與諸生共逆旅，諸生疾且死，出白金曰：「左右無知者，幸君以此爲我葬。」餘則君自取之，勉許諾。旣葬，密置餘金棺下，後其家謁勉，共啟墓，出金付之。位將相，所得俸賜悉遺親黨，身歿無贏藏。其在朝，鯁亮廉介，爲宗臣表禮賢下士，有始終。嘗引李巡、張參在幕府，後二人卒，宴飲仍設虛位，沃饋之，遣戍兵常視其資糧，春秋存問家室，故能得人死力。善鼓琴，有所製，天下寶之。

賈元靖，耽，字敦詩，滄州南皮人。天寶中，舉明經，河東節度使王思禮署爲度支判官，累進汾州刺史。治凡七年，政有異績，召授鴻臚卿，兼左右威遠營使。貞元九年，以尚書右僕射同中書門下平章事，封魏國公，卒，贈太傅。謚曰元靖。耽嗜觀書，老益勤，尤悉地理，爲圖廣三丈，縱三丈三尺，以寸爲百里，本之禹貢，及班固漢書古郡國題以墨。今州縣以朱刊落，疎舛多所釐正。又著貞元十道錄，其器脩然，蓋長者也。不喜臧否人物，檢身勵行，家人近習不見其喜愠。

劉暹，曹州南華人，爲汾州刺史。天寶疾惡，所至以方直

為觀察使所畏。建中末，召為御史大夫，宰相盧杞憚其嚴，更薦前河南尹于頔代之。遷終州刺史。

孔巢父，字弱翁，少力學，隱徠山。建中初，涇原節度留後孟皞表巢父試秘書少監兼御史中丞行軍司馬，尋拜汾州刺史，入為諫議大夫。興元中，李懷光擁兵河中，以巢父兼御史大夫，充宣慰使，遇害。帝聞之震悼，贈尚書左僕射。

李說，字巖甫，淮安靖王神通之五世孫也。馬燧節度太原，辟說署少尹，遷汾州刺史。李自良代燧，復奏為少尹，擢檢校禮部尚書節度使，累封隴西縣男。說精於職，卒贈尚書右僕射。

裴向，字僚仁，絳州聞喜人。父遵慶，上元中，同平章事。廣德初，僕固懷恩阻兵汾上，代宗以遵慶忠純，特遣往汾州宣慰。見懷恩，具陳朝旨，懷恩引過聽命，特隨入朝。旋為范志誠所惑，以懼死為辭，會乘輿幸陝，遵慶自汾州奔赴行在。向少以門蔭，歷官至太子少議郎。德宗末，方鎮之副，多自選於朝，以待有變，次授之。故向以選為太原少尹，行軍司馬，兼御史中丞，改汾州刺史，轉鄭州。向以學行自飭，歷官仁智，推愛利及於人，以吏部尚書致仕。內外親屬百餘人，向所得俸祿，必同其費，世稱其孝。

睦

李漢字南紀雍王八世孫少事韓退之通古學屬詞雄蔚爲人剛烈類愈愈愛重以子妻之擢進士第累遷右拾遺直諫多所救補出佐興元幕府文宗立召爲屯田員外郎史館修撰論次憲宗實錄書宰相李吉甫事不假借子德裕惡之會李宗閔當國擢知制誥進御史中丞吏部侍郎後德裕復輔政漢坐宗閔黨出爲汾州刺史有善政及宗閔再逐改州司馬尋徙絳州長史大中時召拜宗正少卿

魏謩字申之鉅鹿人文貞五世孫也擢進士第文宗讀貞觀政要思魏徵賢詔訪其後以謩爲右拾遺謩姿字魁秀帝異之累擢諫議大夫以直諫稱始謩之進李珣楊嗣復寔推引之武宗立坐二人黨出爲汾州刺史後大中五年進同中書門下平章事十年以平章事領劍南西川節度使卒贈司徒謩爲宰相議事天子前他相或委抑規諷惟謩譴切無所回畏宣宗嘗曰謩名臣孫有祖風朕心憚之然卒以剛正爲令狐綯所忌譏罷之右唐十七人舊志列薛稷陸瓌崔隱甫賈耽郭子儀李說李勉崔宏禮李漢九人郭子儀封汾陽郡王鎮絳州絳在汾水之陽也唐時此地無汾陽之稱崔宏

禮雖嘗爲汾州刺史唐書絕不言其治績而於傳末有云宏禮短於治民多愛利晚頗務多積素議疵之如史所譏不宜列在名宦

李謙溥字德明并州孟縣人性慷慨重然諾少通左氏春秋建隆四年爲慈州刺史兼晉隰緣邊都巡檢行石州事以興同寨爲治所開寶元年命李繼勳等征太原以謙溥爲汾州路都監太祖征晉陽爲東寨都監前軍副部署黨進遣謙溥伐木西山以給軍用未至聞鼓聲乃并人逼西寨大將趙贊禦之并衆未退謙溥麾所部赴之太祖遽至觀戰怪其赴援者非精甲問之乃謙溥

也帝甚喜謙溥在州十年敵人不致犯境有招收將劉進者勇力絕人謙溥撫之厚藉其死力往來境上以少擊衆并人患之爲蠟丸書以間進佯遺書道中晉帥趙贊得之以聞太祖令械進送闕下謙溥詰其辜進伏請死謙溥曰我以舉宗四十口保汝矣卽上言進爲并人所惡此乃反間也奏至帝悟遽令釋之賜以禁軍都校戎帳服具進感激願擊敵自効

郭達字仲通其先自邢徙洛康定中兄遵死於敵錄達爲三班奉職隸陝西范仲淹麾下仲淹勉以問學及爲汾州都監龐籍鎮河東俾權知忻州契丹來求天池廟

地籍不能決以諉逖逖訪得太平興國中故牘證爲王
土檄報之契丹愧服逖忼慷喜兵學尤善用偏裨每至
所部令人自言所能暇日閱按之故臨陣皆盡其技每
戰先招懷後戰鬪愛惜士卒不妄加誅戮其殺賊婦女
老弱者皆不賞後官左武衛上將軍提舉崇福宮卒贈
雄武軍節度使

趙懿簡瞻字大觀其先亳州永城人父剛太子賓客徙
鳳翔之盩屋瞻舉進士第調孟州司戶參軍知夏縣作
八監堂書古賢令長治迹以自監又以秘書丞知永昌
縣築六堰灌田歲省科斂數十萬水訟咸息民以比召

杜英宗治平初自都官員外郎除侍御史時議追崇濮
安懿王瞻引漢師丹董宏事謂其屬薛溫其曰事將類
此吾必以死爭固吾所也中書請安懿王稱親瞻爭曰
仁宗旣下明詔子陛下議者顧惑禮律所生所養之名
要相訾難彼明知禮無兩父貳斬之義敢裂一字之詞
以亂厥真且文有去婦出母者去已非婦出不爲母辭
窮直書豈足援以斷大義哉臣請與之庭辨以定邪正
已而皇太后手書尊王爲皇瞻歎曰向者太后切責大
臣議乃得罷今邪臣與中官交締歸過至尊而自爲之
地吾與首議之臣不並生矣因復力陳會假太常少卿

接契丹賀正使入對英宗問前事對曰陛下爲仁宗子而漢王文稱皇考則是二父二父非禮英宗曰御史嘗見朕欲皇考漢王乎瞻曰此乃大臣之議陛下未嘗自言英宗曰是中書過耳朕自數歲時先帝養爲子豈敢稱漢考瞻曰臣請退諭中書作詔以曉天下時連日晦冥英宗指天示瞻曰天道如此安敢妄爲褻尊朕意已決無庸宣告瞻曰陛下祇畏天戒不以私妨公甚盛德也及使還聞呂誨等諫漢議皆罷去乞與同貶不報趣入對英宗曰卿欲就龍逢比干之名孰若効伊尹傳說哉瞻皇懼言臣不敢奉詔使朝廷有同罪異罰之譏遂

通判汾州神宗卽位遷司封員外郎知商州元祐三年擢樞密直學士簽書樞密院事明年以中大夫同知院事五年卒太皇太后語輔臣曰惜哉忠厚君子也車駕親臨贈銀青光祿大夫謚曰懿簡

田晝字承君陽翟人樞密使況之從子以任爲檢書郎調磁州錄事參軍知西河縣有善政民甚德之議論慷慨有前輩風與鄒浩以氣節相激勵元符中浩爲諫官晝監京城門往見浩曰平生與君相許者何如今君爲何官浩曰上遇羣臣未嘗假以辭色獨於浩差若相喜天下事固不勝言意欲待深相信而後發貴有益也晝

然之既而以病歸許邸狀報立后晝謂人曰志完不言可以絕交矣浩得罪晝迎諸塗浩出涕晝正色責曰使志完隱默官京師遇寒疾不汗五日死矣豈獨嶺海之外能死人哉願君毋以此舉自滿士所當爲者未止此也浩茫然自失謝曰君之贈我厚矣建中靖國初入爲六宗正丞曾布數羅致之不爲屈

張確字子固邠州宜祿人元祐中擢進士第徽宗卽位應詔上書言十事乞誅大姦退小人進賢能開禁錮起老成擢忠鯁息邊事修文德廣言路容直諫遂列於上籍宣和中知汾州七年徙解州又徙麟德府明年金兵至確乘城拒守或獻謀欲自東城潰圍出且探確意確怒叱曰確守土臣當以死報國頭可斷腰不可屈乃戰而死欽宗聞之悲悼優贈述古殿直學士召見其子崑慰撫之曰卿父今之巡遠也爲將爲守者皆如卿父朕願有今日邪歛容歎息者久之

張忠確克戡字德祥開封人侍中耆曾孫也第進士宣和七年八月知汾州十二月金兵圍太原距汾二百里遣將銀木字董來攻縱兵四掠克戡畢力扞禦數選勁卒撓敵營出不意焚其柵敵懼引去論功加直秘閣靖康元年六月金兵復逼城朝廷命經畧使張孝純之子

灝都統制張思正轉運使李宗來援思正誅求無藝民不堪命克戡引誼開曉皆願自奮宣撫使李綱表其守城勞連進直龍圖閣右文殿修撰太原不守思正給云出戰遂率灝宗奔慈隰於是人無固志成將麻世堅夜斬關出通判韓琥相繼亡克戡召令兵民曰太原旣陷吾固知亡矣然義不忍負國家辱祖父願與此城始終以明吾節諸君其自爲謀皆泣不能仰視同辭對曰公父母也願盡死聽命乃益厲兵儆守金兵至身帥將士擐甲登陴雖屢却敵而援師訖不至金兵破平遙平遙爲汾大邑久與抗旣先陷又脅降介休孝義諸縣據州

南二十村作攻城器具兩遣使持書諭克戡焚不敵具述危苦狀募士間道言之朝不報十月朔金蓋萬騎來攻愈急有十人唱爲降語斬以徇諸酋列城下克戡臨罵極口砲中一酋立斃度不得免手草遺表及與妻子遺書緹州兵持抵京師明日金兵從西北隅入殺都監賈直克戡猶率衆巷戰金人募生致之克戡歸索朝服焚香南向拜舞自引決一家死者八人金將奉其屍禮葬於後園羅拜設祭爲立廟事聞詔贈延康殿學士賜銀三百兩絹五百匹表揭門閭紹興中謚忠確

賈直汾州路兵馬都監靖康元年十月庚子金人陷汾

汾陽縣志 卷四
州 賈巷戰死

陳膏莆田人政和中進士宣和中爲汾州教授佐守臣張克戩守城捍禦有功後知惠州

右宋八人舊志列趙瞻李謙溥張克戩陳膏賈亶五人

郭企忠字元弼唐汾陽王子儀之後企忠幼孤事母孝謹年十三居母喪哀燬如成人天輔中大軍至雲中遣邢律坦招撫諸部企忠來歸軍帥命同勾當天德軍節度使事及見太祖問知其家禮遇優厚天會四年知汾州事是時汾州初下居民多爲軍士掠去城邑蕭然企

忠詣帥府力請願聽其親舊贖還帥府從之未幾完實如故石州賊閻先生衆數萬至城下僚屬慮有內變請爲備企忠曰吾於汾人有德保無他乃率吏民城守會援至合擊破之六年遷天德軍節度使後累遷金吾衛上將軍

傅慎徽大定中知汾州州東十里有西河灤卽古文湖圍四十里歲旱以溉民田雨以瀦水宋時轉運使王沿廢爲田熙寧元年御史劉述因民不以爲便請復之至是有欲涸以爲田者慎徽力爲嚴禁及代去後卒廢灤耕種其中自是傍近之田多旱暵之虞而灤地本汚下

遇雨久輒致淹浸

許文簡安仁字子靜獻州交河人登大定七年進士第
侍御史賈鈺以安仁守道端慤薦於朝同知濟南府事
路伯達繼上章言其立己純正宜加顯任明昌中爲汾
陽軍節度使泰和五年卒諡曰文簡安仁質實無華澹
然有古君子風爲時人所稱

石抹元毅本名神思咸平府路酌赤烈猛安莎果歌仙
謀克人明昌中以最遷汾陽軍節度副使時石嵐間賊
黨嘯聚肆行剽掠朝廷命元毅捕之賊畏而遁元毅追
襲盡殲之二境以安遷同知武勝軍節度使事別郡有
殺人者屢鞫不伏元毅訊不數語卽具服河東北路田
多山坡磽瘠大比時定爲上賦民力久困朝廷命相地
更賦元毅以三壤法平之民賴其利後戰歿於撫州贈
信武將軍元毅性沉厚武勇過人每讀書見古人忠義
事未嘗不嗟歎賞慕喜動顏色

胥鼎字和之尙書右丞持國之子也大定二十八年擢
進士第入官以能稱至寧初由戶部尙書拜參知政事
貞祐二年五月宣宗將南度留爲汾陽軍節度使兼汾
州管內觀察使十一月改知平陽府事兼河東南路兵
馬都總管權宣撫使三年拜樞密副使權尙書左丞行

省於平陽宰相高汝勵言於帝曰胥鼎才擅衆長身兼數器宜召還朝省四年進封溫國公致仕元光元年晉陽公郭文振奏河朔受兵有年矣向皆秋來春去今已盛暑不廻且不嗜戕殺恣民耕稼此殆不可測也伏見前平章政事胥鼎才兼將相威望甚隆向行省河東人樂爲用今雖致政精力未衰乞付重兵使總制公府同力戡禦庶幾人皆響應易爲恢復惟陛下圖之正大二年起復拜平章政事進封英國公行尙書省於衛州鼎力疾赴鎮來歸者衆三年七月薨鼎通達吏事有度量爲政鎮靜所在無賢不肖皆得其懽心

烏古論德升本名六斤益都路猛安人明昌二年進士以翰林侍讀權參知政事與平章政事林撚盡忠論近侍局預政宣宗怒未幾出爲集慶軍節度使改汾陽軍節度使河東北路宣撫副使復改知太原府事興定元年德升上言皇太子聰明仁孝保訓之官已備更宜選德望素著之士朝夕左右之日聞正言見正行此社稷之洪休生民之大慶也宣宗嘉納之二年元兵圍太原城破德升至府署謂其姑及其妻曰吾守此數年不幸力窮乃自縊而死其姑及其妻皆自殺詔贈翰林學士承旨方貞祐中近侍局陰秉朝政及德升罷相盡忠下

汾陽縣志卷四
六
獄自是以後中外蔽隔以至於亡

完顏訛出虎隆安府猛安人大定二十八年進士累官
補尚書省令史由忻州防禦使遷汾陽軍節度使兼經
畧使興定二年九月蒙古木華黎破汾州出虎力戰死
右金七人舊志列胥鼎石林元毅二人

郭琪繁峙人延祐初知汾州以才能稱晉朝列大夫
睦大用神峰人延祐中同知汾州廉正有威吏民守法
畏服

李朝英孟縣人至正間判汾州有政績

程邦彥祁邱人同知汾州郡人德之及去撰遺愛碑

右元四人

茹志道洪武八年知汾州勤於治事而閭里不擾民咸
稱之

紀正隴州人洪武三十五年知汾州有善政累官順天
府尹

張軌清澗人永樂初知吉州起服除汾州民安其政任
滿奏留加四品俸後以疾致仕

李善字元吉岐山人以進士正統初知汾州持已廉介
察其便於民者力爲之興舉遷真定府知府

葉穆閩縣人以舉人天順初知汾州居一年調吉州巡

撫都御史李侃薦章言其去汾民思到吉民悅廉潔如水遷河間府同知

伍秀松溪人以舉人天順五年知吉州尋遷汾州有賢能稱詔旌異之

海鯉江夏人以進士宏治四年知汾州政尚廉察發姦摘伏如神居一載卒民悲思之

高俊庸施人以舉人宏治八年同知汾州剛正自任州北有峽路阻澗多伏盜俊伐石塞澗行旅賴以無患

李棠清苑人以舉人正德八年知汾州慷慨有大節務實政惠民理煩治劇井井有條後歷松江太原二府同

知擢戶部郎中及卒貧不能殮里人葬之題其碑曰清白吏

郁浩湖廣永寧衛人以進士正德十四年知汾州政簡嚴力興學校每朔望爲諸生講說經義不倦在任三年擢戶部員外郎至按察司僉事

何賢河間人以舉人正德十六年知汾州爲人倜儻政尚惠和居歲餘卒郡人德之爲肖像祀焉

王崇慶開州人正德戊辰進士以主事抗疏左遷沁州判官嘉靖二年遷分守冀南道以正風俗端士習爲務母老歸養後官至吏尚書贈太子太保

郭鏗陝西咸寧人以舉人嘉靖二年知汾州深沉有志操民畏服之擢戶部員外郎累官布政司左參議

王正宗固安人以御史謫潞州判官嘉靖七年知介休縣廉潔正直盜賊遠遁擢知汾州

劉坤壽張人嘉靖十五年由萬安縣擢知汾州廉靜愛民值強宗數撓法遂抗疏而歸民懷思之

於敖岷州衛人正德辛巳進士嘉靖十九年遷分守冀南道劄外城及四鄉堡寨以資保障民永賴之累官大同巡撫

張信平涼府人以舉人嘉靖十九年知汾州精明果毅

凡強梗病民力爲杜絕

孫清愍繼魯字道甫雲南右衛人嘉靖二年進士累官知淮安府織造中官過淮繼魯與之忤誣逮至京大學士夏言救免繼魯不謝言不悅改補黎平擢湖廣提學副使二十二年進分守冀南道執法不阿宗藩畏之及遷按察使也民送者塞於道而宗藩百餘人擁馬發其裝蔽衣外無長物愕然曰我高皇祖迄今百七十餘年罕見此官乃載酒追送二十六年擢右副都御史代楊守謙巡撫山西繼魯耿介所至以清節聞總督都御史翁萬達議撤山西內邊兵併力守大同外邊帝報可繼

魯抗章爭言紫荊居庸山海諸關東枕溟海拱護京師
與鴈門寧武偏頭諸關西據黃河屏蔽全晉一也自偏
頭寧武鴈門東抵平荊關爲山西長邊自右衛雙溝墩
至東陽河鎮口臺爲大同長邊自又角山至雙溝百四
十里爲大同緊邊自又角山至老牛灣百四十里爲山
西緊邊論長邊則大同爲急山西爲緩論緊邊則均爲
最急此皆密邇河套譬之門關山西守左大同守右山
西併力守左尙不能支又安能分以守大同之右使三
關將士遠離堡戍欲不侵犯難矣萬達聞之不悅上疏
言繼魯以危言相恐復遺臣書帝方倚萬達怒繼魯騰

私書引往事遂逮詔下獄疽發於項瘐死繼魯爲巡撫
僅闕四月山西人習其前政冀有所設施遽以非罪死
咸爲痛惜宗藩有上書訟其寃者卽前奪視其裝者也
世宗卽位贈兵部左侍郎賜祭葬諡一字謚曰清愍
葛端肅守禮字與立德平人嘉靖七年舉鄉試第一明
年以進士授彰德推官巨盜誣富家株連以百數守禮
盡出之主獄者譖之御史會藩府獄久不決屬守禮一
訊卽得乃大驚服及爲儀部郎中故事郡王絕近支得
以本爵理府事不得繼封交城懷仁襄垣以繼封請守
禮持之堅會以疾在告三邸人乘間行賂遂得請旗校

訶其事以聞。所籍記賂遺十餘萬。獨無守禮名。帝由是知其廉。二十五年。遷分守冀南道。尋遷按察使。累官南京禮部尚書。李本署吏部事。希嚴嵩指。考察廷臣。署守禮下考。勒致事。後帝問守禮安在。左右謬以老病對。帝爲歎惜久之。隆慶元年。起戶部尚書。歷刑部尚書。左都御史。時大學士高拱。張居正。更用事。交相軋守禮。周旋其間。正色獨立。人以爲難。卒贈太子太保。謚端肅。

齊宗堯。昌黎人。嘉靖四十五年。知汾州。忠直有胆畧。遇事慷慨直前。隆慶元年。俺荅入寇。抵城下。宗堯登埤設守。具指授捍禦。方畧卒得保全。加河東運司同知。仍管汾州事。尋調忻州。

白夏。潁川人。萬歷十年。知汾州。治事明敏。實心於民。善政不一。

麻溶。宣城人。萬歷癸未進士。二十三年。由吏部郎中。擢分守冀南道。廉儉自持。判斷神明。

尹覺民。萬歷三十三年。以進士知汾陽縣。廉幹有能聲。以利民善俗爲務。

劉一佺。字存吾。陝西盩厔人。以舉人萬歷四十一年。知汾州府。爲清官第一。向有石鴈照汾州。清官不到頭之謠。一佺鑄鐵鳳鎮之。擢雲南清軍驛鹽道副使。

張九賢，歷城人。萬曆四十三年，以進士知汾陽縣，務滌民害，尤善治盜。代去後，民咸思之。

劉光祚，字洪基，榆林衛人。崇正三年，奉詔勤王，與何可綱等戰灤州，有功。遷汾州叅將。五年，與遊擊王尚義敗賊張有義於臨縣，賊還兵犯之，仍爲賊所據。光祚偕諸將逐賊，復臨縣。六年，賊犯石樓，光祚分三道進擊，大敗之。斬隔溝飛撲天虎等六人，獲首功三百七十。又數敗賊於臨永寧，撲天虎等詐降，光祚設伏斬之。已而擊敗賊魏家灣黑茶山。七年，勦敗王剛餘黨，斬四百餘級。加署都督僉事，爲山西副總兵。敗賊崞縣，復其城。八年，賊渠賀宗漢號活地草者，見其黨劉浩然、高加計破滅，僞乞降。光祚伏兵斬之。晉中羣盜皆盡。十四年，賊已陷河南襄陽，中原郡縣大抵殘破。光祚士馬無幾，雖少有克捷，而賊勢轉盛。及傅宗龍敗沒於項城，南陽震恐。光祚適經其地，唐王邀與共守，城陷遂死之。

費甲，隸陝西咸寧人。崇正四年，以舉人知平遙縣，有善政。六年，改知汾陽縣。老穉扳轅立去思碑。時流寇蔓延，巡撫許鼎臣以曹文詔軍平定，備太原東，太監閻思印同總兵張應昌軍汾州，備太原西。賊至彰德，應昌等出兵進勦。甲總爲閻思印所逼，投井死。士庶皆枕屍哭。劉

太監聞之抗疏白其事

王肇生山東掖縣人崇正六年爲分守冀南道事實無可考有王公平寇碑見藝文

張首標玉田人崇正八年以進士知汾陽縣時宗藩橫恣慶成王立金字下馬牌於府門有司垂首聽命首標獨不屈榜於通衢曰敢有恃勢魚肉我民者輕則徑自發落重則具牒兩臺請旨究擬藩役聞之歛迹未幾卒民哀痛之

侯君昭知汾州府崇正十七年城破不屈死

劉必達陝西三原人崇正末知汾陽縣城破死之義男范奇芳亦自刎

右明三十人舊志列茆志道紀正張軌李善葉穆伍琇海鯉李棠郁浩何賢王崇慶於放孫繼魯葛守禮郭鏗劉坤劉一佳尹覺民張九賢費甲鏗張首標劉必達二十二入

馬鳴佩字潤甫遼陽人順治元年以工部啟心郎擢守冀南道歷官兵部尙書總督兩江所至多建豎民咸德之

黃廷栢遼東海州衛人幼孤事母至孝順治元年以薦徵知靈璧縣有治績轉大興縣五年擢知汾州府明年

死姜瓖之亂贈太僕寺卿康熙四十六年祀名宦祠五
十六年又建專祠方守城時賊圍之數重廷栢選勇士
夜襲賊營賊驚擾及旦賊來益衆陷東門入廷栢身當
其衝連發矢中賊墮馬復巷戰自辰至午與壯士格殺
數十百人會大風起晝晦賊截擊廷栢與壯士遂分被
執不屈死

周召南字晉侯遼陽人順治六年知汾州府時寇亂初
定召南以招徠撫綏爲務除豪強胥吏之爲民害者嘗
命所屬州縣官徭賦有當開豁者當均平者悉稽以告
將爲民請命令下北屋歡呼在任三年擢山西驛傳道
民共立遺愛碑道左

史記功滿洲人順治九年由大名兵備道遷分守冀南
道有政績十一年擢江南按察使民立去思碑

郎承清字定菴遼東廣寧人順治十四年知汾州府有
善政累官山東巡撫

張奇抱蓋平人康熙二十二年知汾州府盡心民事明
年府境汾水湫水漲溢爲災凡五載困於淹浸撫循曲
至思所以拯其民者不遺餘力審視地形高下修築隄
堰民立石用誌不忘

馮雲燦金壇人以歲貢雍正二年知汾陽縣有惠政越

六年擢本府同知熟悉民事時豪右藉銷鹽無端滋害雲燦思永久便民遂有按糧攤課之議汾陽鹽稅得以循例輸納弊無從起者公之力也

竇容洵石城人以進士雍正七年知汾州府多善政創立西河書院拔擢秀民造就之成其材

張延年樂城人雍正癸卯舉人七年知汾陽縣廉正愛民待士以禮而抑其奔競治豪猾詞胥役嚴盜賊民懷其善政被劾以去士民哭送於道者不絕

張學林丹徒人以貢生雍正八年知汾州府視利有可興害有可除力爲民任之汾陽舊食鄰近煎鹽後豪右與胥役朋比作奸卽以土鹽歸商銷假名巡查私鹽大爲民害至不能堪訴於官學林察知其隱積弊由是滌絕

林中枬泗州人以歲貢雍正八年知汾陽縣慈詳愛民時知府張學林崔應階相繼釐清鹽法概無積弊中枬以鹽稅及平餘總攤入地丁銀內徵收永除豪右侵害且杜額外加耗之漸有碑記在任多惠政

崔應階江夏人以廩生雍正九年知汾州府遇事明而果斷初蒞任前守理汾陽鹽政商銷病民案未結以法治之不少貸豪猾無所施其技

張坦讓漢陽人以舉人乾隆四年知汾州府廉正恤民先是雍正十年查墾荒地晦寧鄉縣知縣邵之楷虛報可墾地四百頃二十餘晦實無其地後知縣吳錯念民力不支欲請不得問曾坦讓至遂以爲言坦讓力任之得免題詔免在官八年多善政

朱廷掄字翹亭順天大興籍浙江會稽人雍正庚戌進士乾隆六年知汾陽縣慈祥明察治獄務虛衷不輕用三木民有因姦殺其本夫者姦婦誣指讐某於五更時呼與共樵遂被害拘至則其人方宰羊有血刃焉而察婦無戚容乃緩鞫密訪之具得其實獲真犯抵罪一時稱神明嘗值亢旱步禱於介邑綿山甘雨立沛人有百里隨車之喻五載去官民謳思之

徐珏南豐人乾隆二十七年以進士知汾陽縣謝絕餽遺裁免行戶縣役素橫肆珏痛懲之於是民情纖悉得達於官數月惠聲大著盜賊至相戒不入境縣倉例春放秋收名取耗息若干而民還輒倍遠鄉下戶不親納或三倍未已入務精善出時徃徃以粗惡其弊不可究詰民咸苦之珏親其收放令出入如例蓋珏未第時嘗遊汾晉間知其利病故動合政要加以實心愛民民亦戴之如親父母未幾調寧武去之日自城至境壺榼不

絕送者塞途。村民持田器奔來拜道左。或望見已遠。則
遙拜之。八九十歲老人言。聞見以來。汾陽好官一人而
已。

顧學潮。元和人。乾隆二十八年。知汾陽縣。清操惠政。一
如徐令。而才尤敏。嘗密訪市井兇頑。榜其名廳事。左右
凡醜。酒鬪毆到官。視壁上有名者。重懲。諸兇徒屏息。汾
陽故多民訟。學潮得狀。卽按去。城遠近。限時刻。勾審用
杜胥吏生弊。甫一年。擢知灤州。

